

ՀԱՇՎԵՏՎՈՒԹՅՈՒՆ

2021թ. ՀՀ Վայոց ձորի մարզի միջտարածաշրջանային համագործակցության

ՀՀ Վայոց ձորի մարզը մեծապես արժևորում է միջտարածաշրջանային համագործակցությունը՝ այն համարելով միջպետական համագործակցության կարևոր բաղադրիչ: Չնայած Covid-19 համավարակով պայմանավորված միջազգային բարդ իրադրությանը, կատարված աշխատանքների շնորհիվ միջտարածաշրջանային մեր գործընկերների հետ իրականացվում է ամուր, արդյունավետ գործընկերություն՝ հիմնված փոխադարձ հարգանքի և ընդհանուր արժեքների վրա, ինչի մասին լավագույնս հավաստում են արձանագրված արդյունքները և հաջողությունները:

2021թ. օգոստոսի 20-21-ը ՀՀ Վայոց ձորի մարզպետ Արարատ Գրիգորյանի գլխավորությամբ Վայոց ձորի պատվիրակությունը այցելել է Ռուսաստանի Դաշնության Նիժեգորոդի մարզ և մասնակցել Նիժնի Նովգորոդի հիմնադրման 800-ամյակին նվիրված տոնակատարություններին: Այցի ընթացքում քննարկվել են երկու գործընկեր մարզերի միջև համագործակցության զարգացման, ընդլայնման և նոր ուղիների մշակման հնարավորությունները, մասնավորապես՝ վայոցձորյան արտադրանքի՝ Նիժեգորոդի մարզ արտահանելու հնարավորությունների, ինչպես նաև երկու մարզերի միջև գործարար կապերի ընդլայնման հետ կապված հարցեր:

Նույն ժամանակահատվածում Նիժնի Նովգորոդի Ավտոգավոդսկի շրջանի թիվ 18 մանկական արվեստի դպրոցի դիմաց, որը կրում է հայ մեծանուն կոմպոզիտոր Արամ Խաչատրյանի անունը, տեղադրվեց ականավոր կոմպոզիտորի կիսանդրին:

Պատասխան այցով սույն թվականի հոկտեմբերի 8-ին ՀՀ Վայոց ձորի մարզ այցելեց ՌԴ Նիժեգորոդ մարզի պատվիրակությունը՝ Նիժնի Նովգորոդի Քաղաքային Դումայի նախագահ Օլեգ Լավրիչևի գլխավորությամբ: Համագործակցության արդյունքում շուտով ապակենտրոնացված համագործակցություն կհաստատվի նաև ՀՀ Վայոց ձորի մարզի Ջերմուկ համայնքի և ՌԴ Նիժեգորոդի մարզի Կստովսկի մունիցիպալ շրջանի միջև:

Մարզի գործընկեր ՌԴ Արխանգելսկի մարզի հետ համագործակցությամբ մշակվել է երկու մարզերի միջև առևտրա-տնտեսական, գիտա-տեխնիկական և հումանիտար համագործակցության 2022-2024թթ. միջոցառումների իրականացման ծրագիրը, որի ստորագրումը, համավարակով պայմանավորված, հետաձգվեց 2022թ.: Ծրագիրը նոր շունչ կհաղորդի երկկողմ համագործակցությանը և նոր հնարավորություններ կստեղծի փոխգործակցության համար:

Շարունակվում է ակտիվ համագործակցությունը «Դոմ Մոսկվի» Երևանում մոսկովյան մշակութագործարարական կենտրոնի հետ:

Համագործակցության արդյունքում Եղեգնաձորի մարզային մշակույթի կենտրոնում տեղի ունեցավ համերգ՝ նվիրված հայ մեծանուն կոմպոզիտոր և դաշնակահար Աննո Բաբաջանյանի 100 ամյակին, իսկ մարզի երեխաները ներգրավվել են կենտրոնի կողմից կազմակերպվող միջոցառումներին: Հոկտեմբերի 26-ին Վայոց ձորի Մալիշկա համայնքում հանդիսավոր կերպով բացվեց Ռուսական կենտրոնը:

Այս տարի Փարիզի՝ Եվրոպական Ժորժ Պոմպիդու հիվանդանոցի սիրտանոթային վիրաբույժ Լևոն Խաչատրյանի հետ համագործակցությամբ և Փարիզի համալսարանական հիվանդանոցային համակարգի՝ APHP հովանավորությամբ, անվանի ֆրանսիացի բժիշկները այցելեցին Եղեգնաձորի բժշկական կենտրոն, որտեղ ավելի քան 58 բնակիչ հնարավորություն, ստացավ անցնել անվճար հետազոտություն և ստանալ մասնագիտական խորհրդատվություն, իսկ Եղեգնաձորի ԲԿ-ն համալրվեց եվրոպական արտադրության էլեկտրոսրտագրության սարքով: Նաև բժիշկների նախաձեռնությամբ շտապ վիրահատական միջամտության կարիք ունեցող մեկ բնակիչ հնարավորություն ստացավ իրենց կողմից անվճար վիրահատվել Երևանում:

Պայմանավորվածություն է ձեռք բերվել ստեղծել մշտական հիմունքներով գործող խորհրդատվական համակարգ մարզի և ֆրանսիացի բժիշկների միջև, ինչպես նաև պարբերական այցելությունների իրականացում, ինչը լավագույնս կնպաստի մարզում առողջապահական ոլորտի զարգացմանը:

ՀՀ Վայոց ձորի մարզպետարանի կողմից աշխատանքներ են իրականացվել Ֆրանսիայի Հանրապետության Թուլուզ Մետրոպոլի կողմից Վայոց ձորի մարզում մշակութային զարգացման փորձարարական ծրագրի իրականացման ուղղությամբ, որը պետք է նպաստի մարզի մշակութային զբոսաշրջության զարգացմանը համաշխարհային մակարդակով և մարզի տնտեսության զարգացմանը: Արդյունքում սույն թվականի օգոստոս ամսին L'Amicale des Armeniens de Toulouse-ի փոխնախագահ Ստեֆան Կոչոյանը այցելեց Վայոց ձորի մարզ՝ տեղում ծանոթանալու մարզի զբոսաշրջային ներուժին և քննարկելու համագործակցության հետագա քայլերը: Պայմանավորվածություն է ձեռք բերվել դիտարկել Վայոց ձորի մարզի և Թուլուզի Մետրոպոլի, ինչպես նաև Ֆրանսիայի Օքսիտանիա երկրամասի հայկական միությունների միջև համագործակցության հուշագրերի կնքման հնարավորությունը:

Վայոց ձորի մարզը մշտապես կարևորել է սփյուռքի հայկական համայնքների դերը միջտարածաշրջանային համագործակցության ամրապնդման և զարգացման գործում, որի արդյունքում ամուր կապեր են հաստատվել արտասահմանում գտնվող հայ համայնքների հետ:

2021 թ. ընթացքում Վայոց ձորի մարզպետարանը համագործակցել է նաև Հայաստանում հավատարմագրված դիվանագիտական ներկայացուցչությունների, կազմակերպությունների, ինչպես նաև այլ երկրներից ժամանած պատվիրակությունների հետ: